



FUNDACIÓN
FERNÁNDEZ LEMA

www.premiosfernandezlema.com

CONVOCATORIA
DEL PREMIU DE RELATU CURTIU

“FERNÁNDEZ LEMA”

2024
LUARCA
(VALDÉS)



Luarca
VILLA DE NOBEL
Ago Realmente Nuestro



Convocatoria del premiu de relatu curtiu “Fernández Lema” añu 2024

Modalidaes en llingua castellana y llingua asturiana



La Fundación Cultural Benéfica Fernández Lema, reconocida ya inscrita por Orde del Ministeriu de Cultura de 20-10-1994 (B.O.E. del 15-11), creada por acio de la iniciativa y xenerosidá de Doña Dolores Fernández Lema, tien, como fin principal, la concesión de premios literarios de calter anual, pa obra lliteraria breve.

De resultes, convócase, pol Patronatu de dicha Fundación, el «PREMIU DE RELATU CURTIU FERNÁNDEZ LEMA, AÑU 2024 MODALIDAES EN LLINGUA CASTELLANA Y LLINGUA ASTURIANA», de calter nacional, d'acuerdu coles siguientes:

1-CONVOCATORIA

- 1) Convócase'l «Premiu de Relatu Curtiu Fernández Lema, Añu 2024, Modalidaes en Llingua Castellana y Llingua Asturiana.
- 2) El Premiu al ganador pa la modalidá en llingua castellana va tar dotáu con mil quinientos euros.
- 3) El Premiu al ganador pa la modalidá en llingua asturiana va tar dotáu con mil quinientos euros.
- 4) Puen concurrir a los mesmos toles personas que, acordies coles Bases presentes, apurran un relatu curtiu inéditu, escrito na llingua correspondiente a la modalidá qu'escueyan y que nun foran premiaus en anteriores ediciones.
- 5) A los efeutos anteriormente mentaos limitase la estensión de les obres a un máximu de 20 folios din-A4 mecanografiaos a una sola llana y con un tamañu mínimo de fonte de 12 puntos.

2-PRESENTACIÓN DE RELATOS

- 1) Los participantes han de presentar les sos obres por cuaduplicao, faciendo constar, según corresponda, pa concursar al Premiu de Relatu Curtiu «Fernández Lema, Añu 2024, Modalidá en Llingua Castellana» o Premiu de Relatu Curtiu «Fernández Lema, Añu 2024, Modalidá en Llingua Asturiana».
- 2) Los relatos han de tener como elementu identificativu únicu un alcuñu.
- 3) Amás, han de dir acompañaos con un sobre zarráu nel que figure l'alcuñu enantes citáu. Nel interior de dichu sobre ha de figurar una declaración del autor na qu'esti ha de facer constar:
 - 3.1 El so nome, dirección completa y teléfonu de contautu.
 - 3.2 Declaración de que se trata d'una obra propia ya inédita.
 - 3.3 En xeneral, compromisu d'aceptar tolo especificao nes presentes Bases, asina como tamién les decisiones que s'adopten pol Xuráu o'l Patronatu.
- 4) Almitiráse qu'un mesmu concursante pueda apurrir dos obras en Llingua Asturiana, o presentase a entrambes modalidaes. En cualquier casu cada obra ha de presentase de forma individual y cumpliendo tolo especificao nes Bases presentes.
- 5) Los relatos y demás documentación han de remitise a les señes siguientes: Apartado de Correos nº 83 – 33700 LLUARCA (VALDÉS), Indicando: pa concursar al «Premiu de Relatu Curtiu Fernández Lema, Añu 2023, Modalidá en Llingua Asturiana».
- 6) Pa cualquier esclaración, los interesaos puen empobinase al teléfonu 617 515 500 de 18:00 a 20:00 horas
- 7) La presentación pue realizase hasta'l 15 de marzu de 2024, inclusive.
- 8) La entrega pue realizase personalmente na Casa de Cultura de Lluarca-Valdés, o por cualquiera de los medios afitaos na Llei 39/2015, de 1 de Ochobre, del Procedimientu Alministrativu Común de les Alministraciones Públiques, acreditando siempre de forma fefaciente la fecha de presentación.

3-XURAOS

- 1) Pol Patronatu de la Fundación «Fernández Lema» han designase dos Xuraos, ún pa la modalidá en llingua castellana y otru pa la modalidá en llingua asturiana, nos qu'han figurar personas de prestixu rellacionaes col mundu del llibru y la lliteratura nes respectives llingües.
- 2) Ente los componentes de cada Xuráu ha de nomase un Presidente y un Secretariu. Cada Xuráu, na so primer reunión, ha d'establecer les sos normes de funcionamientu, siempre d'acuerdu colo dispuesto nes Bases presentes.
- 3) Nun esiste ninguna incompatibilidá pa la pertenencia simultánea a entrambos Xuraos, mesmamente cuando se desempeñe cualquiera de los cargos indicaos nel punto anterior.
- 4) Los Xuraos tienen llibertá plena de decisión a la hora de discernir los Premios y d'apreciar les circunstancies y méritos de los aspirantes. Tamién tienen potestá pa determinar si lo presentao s'axusta o non a les bases.
- 5) Les decisiones del Xuráu adóptense por mayoría simple.
- 6) Les deliberaciones de los Xuraos han de ser secretos, pero, caún ha de redactar acta de la so decisión de concesión del Premiu, indicando si ésta foi por unanimidá o mayoritaria. Amás, cada Xuráu pue facer constar en dicha acta cualquier circunstancia, consideración o posición particular qu'estime amañoso, pa conocencia del Patronatu, que pue facer usu de la mesma según el so criteriu.
- 7) Cada Xuráu ha de procurar, na medida de lo posible, conceder el Premiu correspondiente, y namás lu ha de declarar ermu en circunstancies especiales que s'han reflexar nel acta.
- 8) El Premiu, en caúna de les modalidaes, ye únicu ya indivisible. Sicasí, y esclusivamente a efeutos de lo especificao na Base 2 del Capítulu 4, caún de los Xuraos nun s'ha de limitar a designar una obra única, sinon qu'ha de señalar otros sustitutes clasificaes debidamente.
- 9) Les decisiones de los Xuraos son inapelables.

4-FALLU Y ENTREGA DE PREMIOS

- 1) El fallu de caún de los dos Xuraos tien que se producir enantes del día 30 de xunu de 2024, na mañana del cual tienen que tar en poder del Patronatu les actes que se citen, na base 3.5. El fallu será publicao na páxina Web: www.premiosfernandezlema.com.
- 2) A la vista de les Actes del Xuráu'l Patronatu ha d'ordenar l'apertura del sobre correspondiente y la comprobación de que l'autor cumplió lo especificao nes Bases presentes. De nun ser asina y nun se poder subsanar les carencias ou otros defectos atopaos, según los criterios que determine'l Patronatu, ha de considerase d'idéntica manera al primer sustitutu, tal qu s'indica na Base 8 del Capítulu 3, recuriéndose nel so casu, pol so orde, a otros sustitutos.
- 3) Los Premios han de ser proclamao y entregao pol Patronatu nel Auditorio del Conservatorio del Occidente de Asturias de Lluarca-Valdés el viernes **7 de xunetu** de 2024 a les 20,00 hores; nun actu público, si lo permiten las autoridaes sanitaries, al que s'invitará a les autoridaes que correspuenda y, especialmente, al Escmu. Conceyu de Valdés, asina como a los miembros del Xuráu.

5-BASES DE CALTER XENERAL

- 1) Les situaciones non previstas nes Bases presentes, asina como toles aclaraciones ya interpretaciones de les mesmes, han de ser resueltes pol Xuráu correspondiente, na so esfera competencial, o bien pol Patronatu na de so, o por entrambos conxuntamente.
- 2) Los orixinales nun se van devolver, decidiendo'l Patronatu la destrucción de relatos y demás documentación d'autores non premiaos.